

Na osnovu člana 17. Zakona o Savjetu ministara Bosne i Hercegovine ("Službeni glasnik BiH", broj 30/03 i 42/03), Savjet ministara Bosne i Hercegovine, na 114. sjednici održanoj 3. aprila 2006. godine, donio je

ODLUKU

O ODREĐIVANJU JEDINICA U INSTITUCIJAMA BOSNE I HERCEGOVINE ZA IMPLEMENTACIJU ZAKONA O DRŽAVNOJ SLUŽBI U INSTITUCIJAMA BOSNE I HERCEGOVINE

Član 1.

(Predmet Odluke)

Ovom Odlukom bliže se utvrđuju jedinice institucija Bosne i Hercegovine, koje su u skladu sa članom 60. Zakona o državnoj službi u institucijama Bosne i Hercegovine ("Službeni glasnik BiH", br. 12/02, 19/02, 35/03, 4/04, 17/04, 26/04, 37/04 i 48/05) zadužene za implementaciju tog zakona (u daljnjem tekstu: jedinica).

Član 2.

(Cilj određivanja)

Cilj preciznijeg određivanja jedinica ovom Odlukom je efikasnija realizacija procesa zapošljavanja državnih službenika, uzajamno pružanje pomoći institucija Bosne i Hercegovine (u daljnjem tekstu: institucija) i Agencije za državnu službu (u daljnjem tekstu: Agencija) u realizaciji kadrovske politike institucija Bosne i Hercegovine u okviru utvrđenim propisima, organizacionog razvoja institucija, uspostavljanju i vođenju registra osoblja, osiguranja koordinacije, organizovanja i realizacije obuke državnih službenika i razvoja državne službe.

Član 3.

(Jedinica za implementaciju)

(1) Jedinica je, u okviru svojih propisanih nadležnosti, osnovna organizaciona jedinica za kadrovske poslove, odnosno razvoj ljudskih resursa ili unutrašnja organizaciona jedinica za kadrovske poslove, odnosno razvoj ljudskih resursa ukoliko institucija u svojoj unutrašnjoj organizaciji nema predviđenu takvu osnovnu jedinicu.

(2) Ukoliko institucija u svojoj unutrašnjoj organizaciji ima predviđenu posebnu organizacionu jedinicu za obuku državnih službenika ista se smatra jedinicom iz člana 1. ove Odluke i to u okviru svog djelokruga.

(3) Jedinica u smislu ove Odluke je i radno mjesto za kadrovske odnosno poslove razvoja ljudskih resursa ili poslove obuke ukoliko institucija u svojoj unutrašnjoj organizaciji nema predviđene organizacione jedinice iz stava 1. ovog člana.

Član 4.

(Prava i obaveze komunikacije)

Rukovodioci jedinica ili državni službenik koji je raspoređen na radno mjesto u smislu člana 3. stav 3. ove Odluke, kao i odgovarajući rukovodilac u Agenciji imaju pravo i obavezu da međusobno odnosno neposredno informišu, komuniciraju i suraduju, ali ne i da konačno odlučuju o konkretnim pitanjima.

Član 5.

(Obaveze koje proističu iz Odluke)

- (1) Institucije i Agencija dužne su pratiti provođenje ove Odluke.
- (2) Agencija je dužna dati mišljenje na akte o unutrašnjoj organizaciji institucija Bosne i Hercegovine, koji se tiču realizacije odredaba utvrđenih ovom Odlukom.

Član 6.

(Završna odredba)

Ova Odluka stupa na snagu danom donošenja a objavljuje se u "Službenom glasniku BiH".

SM broj 52/06
3. aprila 2006. godine
Sarajevo

Predsjedavajući
Savjeta ministara BiH
Adnan Terzi, s. r.